



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

III La vie des saints Emetere & Celedoine, martyrs.

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

LA VIE DES SAINCTS EMETERE,
& Celedoine Martyrs, enfans
de saint Marcel.

3.
MARS



SAINCT Iſidore, Euloge, Prudence, Vſuard, Adon, & autres bons Auteurs diſent, que ſainct Emetere & Celedoine furent condamnez par Maxime & Aſtere, iugez à Cordouë, & martytiſez pour la Foy de noſtre Seigneur Ieſus-Chriſt. Ces tyrans non contents de les auoir faitz maſſacrer, firent deffences ſous de tres-rigueuſes peines, que perſonne n'eſcriuiſt leur martyre, ayant fait rechercher & bruſler tout ce qui s'en trouua par eſcrit. Nonobſtant la prouidence de Dieu, la deuotion & le zele des Chreſtiens, ne laiſſa pas d'en conſeruer la memoire, d'autant plus ſoigneuſement, que les Gentils s'eſſorçoient de l'obſcurcir. Ils eſtoient natifs de Leon, & ſoldats cōme leur pere le Centenir ſainct Marcel. Ils ſceurent qu'ils auroient vne belle occaſion d'endurer le martyre dans Calahora, lequel ores qu'ils peuſent euitier ſe tenans cois, neantmoins enflammez de l'amour de noſtre Seigneur, ſuiuans les traces de leur pere, ils voulurent prodiguer leur vie au ſeruice de l'Empereur du Ciel, qui les inuitoit à vne ſi glorieuſe entrepriſe, ſe fourrans courageuſement au plus fort danger. Quelques Martyrologes diſent qu'ils furent pris dans Leon, où ils commencerent à ſouffrir iuſques à ce que par vne continuation de pluſieurs tourmens, ils furent trainez captifs & enſerrez à Calahora. Il eſt certain qu'ils furent deſcolez, & qu'aparauant ils endurerent de diuers martyrs. Le Poëte Prudence dit qu'ils furent ſi longuement priſonniers, que les cheueux qu'on porte fort courts es pays chauds, comme en Eſpagne, leur deuindrent lōgs comme à des femmes: ceſte ennuyeuſe priſon eſtoit vn aſſez faſcheux tourment. Sainct Iſidore remarque qu'on gehenna ſi cruellement ces deux freres, que les Iuges meſmes eurent honte qu'on publiſt leur martyre, vrais teſmoins de leur barbarie deſnaturée.

En fin ils eurent la teſte tranchée, où il ſe fit vn miracle que racontent Prudence, ſainct Gregoire de Tours, de la gloire des Martyrs chapitre 93. Sainct Iſidore, Bede, & Vſuard en leurs Martyrologes. C'eſt que l'on veid monter au Ciel l'anneau d'vn de ces Sainctz, & le mouchoir de l'autre, qui s'eſleuerent en l'air, iuſqu'à ce qu'on les perdit de veüë. Leurs corps ſainctz furent enterrez aupres d'vn ruiſſeau, qu'on nomme Duſablō, où ils furent cachez, autant que dura la malheureuſe race des Gentils. A preſent, on les a tranſferrez dans l'Egliſe Cathedrale de Calahora, où ils ſont reuerrez, comme les Patrons ſpeciaux du lieu, & noſtre Seigneur fait de grandes miſericordes par leur interceſſion. Leur feſte ſe celebre le troiſieſme de Mars, propre iour de leur martyre, lan de noſtre Seigneur trois cētz, ſous l'Empire de Diocletian & Maximian: à ce iour il eſt

fait mention de ces Sainctz dans le Martyrologe Romain, de Bede, Vſuard, Adon, & au Breuiere de Toledē, où il y a deux hymnes en leur loian-ge. L'on tient que les Chefs de ces Sainctz furent miraculeuſement trouuez long-temps apres, au port de ſainct André, en la montagne où ils aborderent miraculeuſement, ayās eſté iettez en mer. Il y a meſme des inſcriptions fort antiques, qui monſtrent que ceſte ville s'appelloit le port de ſainct Emetere.

LA VIE DE SAINCTE CVNEGONDE,
Imperatrice, & Vierge.



EMPEREUR Othon III. du nom eſtant mort, il eut pour ſucceſſeur à l'Empire Henry Duc de Baviere & Comte de Bambergue, que les Allemans appellent Henry II. & les Italiens Henry I. parce qu'ils ne mettent point au rang des Empereurs Henry pere du grand Othon. Henry donc I. ou II. fut vn rare & excellent Prince en paix & en guerre, parce qu'il eut pluſieurs puisſans ennemis, leſquels il dompta & aſſujettit à l'Empire, qui fut cauſe qu'Eſtienne Roy de Hongrie, eſpouſant ſa fille Criſele, ſe conuertit à la Foy de Ieſus-Chriſt, avec tous ceux de ſon Royaume, ſi heureuſement, que ce Roy Eſtienne fut ſainct, & la ſaincte Eglife le couche en ſon Martyrologe en ceſte qualité le 20. d'Aouſt. Noſtre Henry ne fut pas moins que luy en ſaincteté & ornement de grandes & admirables vertus, entre leſquels fut ſa rare chaſteté en vn tel Prince. Il eſpouſa vne Princeſſe de bonne maiſon, fille des Comtes Palatins du Rhin, qui s'appelloit Cunegonde, parfaite-ment belle, & dotée de toutes les graces qu'on ſçauoit deſirer en ce ſexe. Il s'accorda avec elle de garder vne perpetuelle chaſteté, & s'entr'aymer comme frere & ſœur, non comme mary & femme: ce qu'il accomplit. Car ces ſainctes perſonnes aymerent mieux offrir leurs corps à Dieu, par ce ſacrifice & mortification de la chair, que d'auoir des enfans auſquels ils euſſent laiſſé leurs grands Eſtats, & l'Empire meſme. C'eſt à la verité vn rare exemple, & fort à remarquer; vn erant de la grace diuine, qu'on ne ſçauoit aſſez exalter, capable de fortifier noſtre nature fragile & lubrique, & d'eſleuer au Ciel les eſprits de ceux qui le ſuiuient: veu que des Princes ſi grands & puisſans en la fleur de leur aage ont peu vaincre les appetits de leur chair par vne ſi noble victoire, ſans ſe bruſler, demeurans aupres du feu l'eſpace de tant d'années. Ces ſainctz mariez viuans donc en ceſte pureté & conformité, comme ils eſtoient autant pieux que chaſtes, ils s'addonnerent du tout à la deuotion & augmentation du ſeruice diuin, baſtiſſans pluſieurs Eglifeſ & Monafteres, où Dieu eſtoit adoré & fidellemēt ſeruy. Premièrement ils firent edifier vne Eglife ſous le nom du Prince des Apoſtres ſainct Pierre, vne autre en l'hōneur de S. Gregoire Martyr, & vn Monaftere